

山游集序

予甫冠學為詩請於先生長者曰詩何繇而工長者曰亦多讀書多游覽耳時方事科舉學聞而置之稍長盡取古人詩諷誦之見其意境甜閒神鋒標映者大抵模山範水之作居多而曩時長者之言始信丙辰夏北走京師歷吳楚齊魯燕趙諸地凡三千餘里舟衝洪波車駕巍坂際羈愁無俚時每托歌咏以舒其鬱轡困苦之思詩不多作竟不能工又疑所聞長者之言為不可信也尋客津門獲交蓮坡蓮坡少負逸才輾轉不遇手闕水西別墅貯書數萬卷枕藉其中日事嘯詠性好遊

聞話佳山水不難重郵累駕而往顧興旋發旋止予私
叩之蓮坡應曰古人之游有所乘也我人之游有所俟
也雖然盤西二山近界畿輔曾一再陟之而且詠之矣
知予之遊者子也知予之游之未敢遽遠者六子也子
不可以無言予受而讀之終卷若穹岩窈洞近接于目
也雲霞蔽虧朝霏夕烟縈拂于几席戶牖也幽泉之琤
琤林籟之蕭屑與夫樵吟梵唱禽鳥之音遞于耳而互
答于左右也不禁作而嘆曰詩之工拙果繫于游哉然
有難以理度者假詩必游而後工盤西兩山裹糧擔簦
者一歲之內趾相錯肩相摩不知凡幾或遊矣而不必

能詩能矣而不必盡工即以予之舛陋隔歲常策杖兩
山所作都凡近然後知蓮坡之詩之工雖結癥于山水
者深寔亦讀書之多有以陶寫其靈能而抗懷于物表
也則予之請益于長者不當徒求于游而向者之說洵
無可疑也州有九歷其八嶽有五涉其四予知蓮坡猶
未厭意他日行篋之作定有什伯于此者當更為泚筆
序之乾隆六年夏四月錢唐同學弟汪沆

蔗塘未定稿

山遊集

起乾隆庚申正月
月盡辛酉四月

宛平

查為仁

心穀

庚申春策杖盤山往來得詩如干首既別為紀以
存之矣辛酉二月以事抵都門馬上望西山諸峰
浮烟暖翠遠來親人遂發興以遊復得詩如干首
爰合前後山遊詩都為一集并以道途及贈答讌
集諸詩附之元道州云山林幸不求吾是泉石又
不責吾非然則遁跡是非之外舍兩山予將奚托
耶

正月三日作

元日雖過春尚遲人日立春風稜如鏃貫重帷不隨車馬塵

埃擾且看青紅兒女嬉老去寂憐新歲月閒來猶愛好

花枝當筵一樹梅先放自洗澆寒兩玉卮

冬盡日

人々競說春光好我戀嚴冬日々晴怕到東風二三月

落卷飛絮愴人情

春夜曲

當堦羯鼓催春風珮環回轉聲丁東龍脂焰熱吐十丈

高臺照耀胭脂紅芙蓉肌弱霓裳薄夜怯春寒護羅幙

一串珠喉宛轉歌地衣蹴緇梁塵落整髻收裙作態遲

迴身旋舞小腰枝滿堂絲竹人聲寂十二闌干月墮時

生年滿百何曾有昨日少年今老醜勸君莫惜秉燭遊

更進葡萄一杯酒

湯與

日炙牕櫺雀啁頻歲華又見一番新愛閒性本難隨俗

放嬾身今不屬人牢落詩篇皆漫與蕭疎門巷迥無塵

不須更畫平安竹自有梢頭如意春

咏鐵燈

雨葉烟梢籠畫圖錚々勁節出洪鑪此君自合將金鑄

相對何愁一日無竹

踈槐露冷逼殘秋蛻去真同繞指柔試問一浪烟火後

可能流響出枝頭抱樹小蟬

魯亮儕觀察以所畫山水冊見貽為賦長句謝之

常堂居士令人豪七十矍鑠鬢不膏高談響振密須鼓
雄文怒捲錢塘濤少年勇挽弓四斛入山帟兕驚逋逃
輪蹄舟楫徧南朔興發題禿千斲毫功名晚達六不晚
十載銀爛拖恩袍臺符吏牘入手了詎比無術鉉刀捺
日長官閣暇無事游戲翰墨凌岑藪嶮岵百尺盤鳥道

遠水一碧連蘅皋溪旁野屋跨小釣烟外歸客浮輕舸
長縑短素恣揮霍擱筆滿引涼葡萄有時齋心狀仙佛
丹青顧陸名同囂始知賢者不可測餘技亦足凌詞曹
十番遺我什襲緇寶之不異綏山桃試開棊几風蕭騷
彷彿驤霞轡羽遨

上元後一日偶作

坐對春風裏行吟曲榭間破正較晝永因病覺身閑燈
火喧鄰巷梅花駐冷顏閉門無一事即此是深山

題澎湖漁隱圖

斷柳殘沙不掩堤秋來尤稱水禽棲羨他月冷蘆花上

夜々隨君住碧溪

懷張湘門少廷尉

脫屣公卿振雀翎遺榮歸去葺農經理輪直節傳都下
繫襪家風在漢廷轟飲難忘杯沒幘好詩尚見墨黏屏
澧蘭沅芷無窮思欲采芳馨悵夕冥

遊盤雜詩

北倉

二月韶光自不同日晴沙暖晝融々河冰初泮浮孤艇
柳意全舒受好風社鼓聲喧邨店北酒帘影颺板橋東
纔離沽水無多路已覺塵囂遠市中

宿崔黃口

遠戍鳴宵柝孤村共此廬但期樽有酒不計食無魚紅
燭低檐暗黃茆野市虛莫嫌荒僻地聊以稅行車

大口屯

大口邨臨東海濱即七里海黃沙漠々水無痕祇因燕市多
屠販悞使人呼打狗屯

宿邦軍

平岡抱孤村春意生林木向晚市聲收人烟倚修竹假
此暫息踪清夢驚飛瀑曉起望高峰巍然天際矗

入山

行來石路漸高低馬避危橋渡淺溪樹裏人家時隱現
澗邊芳草半淒迷身因出世方知散詩為遊山著意題
從此不須愁道阻穿雲入樹好攀躋

蓮花池

茅屋三間亦可誇人傳池上有蓮卷我來正值春時候
二月初旬藕未芽

涓々泉畔見竹

脩々巖下竹經冬翠如是最愛兩三枝出石斜映水

萬松寺

寺前青翠萬株松寺後巉巖百疊峰坐久不知天過午

數聲聽打鉢時鐘

返宿天成寺

勝賞清遊不易逢今宵許我宿芙蓉人來上界由旬地
月在西岩千萬峰好夢只今留半偈浮生也似寄微踪
夜深天際收羣籟只有泉聲到枕濃

西甘澗

一條拄杖入雲去不怕千峰與萬峰忽聽一聲清磬遠
回頭已失去時踪

東甘澗

澗水搜石根土盡石傾倒積久成懸崖凌空勢夭矯雲

凝洞口寒日射行人小推門不見僧石共松俱老沙彌
知客來相餉粟與棗溪山無俗機淳朴古風好靜極理
自通會心殊不少咲語同遊人此間堪結草

青溝懷拙菴和尚

聞說青溝好相將渡碧溪到門山色淨繞屋水聲齊石
罅穿松鼠林端叫竹雞老僧何處去只有白雲棲

自拙庵塔院至雲罩寺登挂月峰絕頂

拙庵墳前罷澆酒又上竹兜向龍首龍首山在拙庵墓側磴危道
險不可躋屏去輿丁納履走三步一噓五步停手胼足
繭眼欲瞑未經山半已勞憊仰視千仞如建瓴左手拄

杖右引僕序如魚貫影縮々攀援欲上轉々難又恐翻身
落深谷荆榛細路明盤蝸千回百折穿磴訝遙岑始
見紺宇出雲罩天半明朱霞到門已覺日卓午舍利在
望興仍鼓道人囑以險莫當唯有此峰不帶土喘氣岩
前僅尺盈蛇退猿愁未足數輕身一徃到上頭放眼四
顧窮寰宇涓々弱水隱扶桑中覆一杯河流黃崆峒遠
聳等了髻參差隱見分邊墻黃龍祖師曾卓錫留此挂
月峰蒼々世間過眼盡陳蹟舉手大咲捫天閭

訪昭然和尚草庵不可得

人事有代謝彈指成古今去者日已遠來者苦相侵緬

彼草庵叟鑿翠居高岑晚景憇嘉樹朝暉悅鳴禽語默
皆入妙山水曠其心今來三十載邈焉斷瑤音徘徊岩
壑裏仙源不可尋落日隔暝色負此春晝深孤雲飛野
曠雙雀唳岩陰相思空延佇何以豁幽襟仰天成一嘯
流水鳴前林

宿東竺庵遇百超上人

斜陽過嶺趁支筇曲々青山面々通愛煞樹稠泉密處
黃茆為屋白雲封
消除塵慮屏諸緣到處茆庵可借眠人世大都皆夢幻
豈今仍是夢游仙

東竺庵枕上聞雪

花影頭陀帶髮僧連朝杖履為山停偶來東竺庵中宿
雪打寒牕一夜聽

曉起山門看雪

晨鐘警夢破殘燈耿蔌粒歛息趺匡牀靈籟延虛入初
驚蟬爬沙旋訝蠶食葉振衣先衆起迺知雪霰集近山
銀闕封遠山瑠臺立大哉造化功寒光萬里吸我欲扳
松行松々玉龍蟄語客且收筇地爐傾米汁

自東竺庵至上方寺贈百超上人

踏雪依山路尋幽步不停石門斜更窄松徑冷還青雲

起驅鴉陣風過帶虎腥上人應悟否澗下水泠泠

上方寺觀嶠峽峰

招提千山中流泉對門瀉傍有嶠峽峰卓立四無藉未
許土花斑渾如洗濯罷何年劈鬼斧寒雲出其罅澗痕
萬古苗松形老將化傳聞席夜來躑躅此峯下禪師能
伏之時以飯相迓聽罷駭常聞塵囂洒然卸

得魯存弟來詩訊山中游事答之

者番游屐冠生平日在山榭松頂行若問眼前竒絕處
白雲親見脚根生

自上方寺踏雪至少林寺觀多寶塔

積雪遍山野冰滑虛巖危中盤不可詣少林亦難窺興
發身命小幽峭偏力追童僕苦規諫同遊意已頽獨余
膽不懼歷險神逾怡薦蘿隨扳援荆榛頻分披不慮屐
齒折寧惜拄杖摧到門日欲側返景明屢屐千花現寶
塔淹漾紅龍池回視九華峰渺々玉參差

再宿天城寺

日縛行勝苦不辭夜來嚙語雜哦詩奚童驚起忽相問
公是醒時是夢時

出山

枕溪卧月才三日又向山靈話別離祇恐重来塵事挽

翠屏峰下立多時

十一日還家示魯存弟

襪被歸來已夕曛東風猶未到春分山中勝槩難收拾
賸有烟霞袖與君

附題游盤雜詩後

張照得天

人々賈勇余攻愧一字不堪為與對酒深夜靜讀君
詩君是前朝唐子畏

前月十一日歸自盤山過馬家店茶棚寺偶有
題句杜禹門刺史駐車寺中次韵見寄復用前
韵荅之

未能棲水石聊爾滌塵喧二月春風路荒村古寺門停
車移樹影疥壁襍蝸痕悔不同携屐清言破鈍根

寄題杭大宗寓齋丁香花

東風駘蕩吹紅紫李艷桃嬌紛眼底一番開落一番空
水西花事随流水朝來孤坐掩林扉有弟新從京洛歸
為言松吹書堂裏一樹丁香錦作幃每逢下直攤書坐
滿几清陰供清課不問朋樽續々添為傳佳句人々和
排日招邀未許空一時勝槩話春叢相思十二銅街路
迤邐征程有夢通花前未得親扳擷索我題詩空弄舌
明年襪被擬來看寄語司花先打撲

浴佛日劉紫仙余荆帆朱崙仲陳江皋萬循初
胡文錫魯存弟毓書姪陸生染香集花影庵以
心在水精域衣沾春雨時為韵分得時字

蕭然何所有呈佛祇花枝未必聲聞斷寧忘戒律持妙
香縈古鉢晴影漾游絲此理誰能會風簾欲動時

賦得漁莊送葛播書還崑山以山川阻遠行李
時通為韵分得川字

頽霞媚朝浦翠荇漾晴川沿汀網罟集隔淑雲樹鮮中
有隱者居葦葦縈炊烟之子懷故鄉笳箏理歸船長歌
西塞句載咏銅斗篇誓當從君去吹笛同扣舷

次崙仲過石梁草堂韵

風日清和候來遊安次西扶闌葵萼小覆屋柳梢齊雖
燕迎人語村雞向午啼東鄰巷更好藜杖任君携

東安莊沛蒼大令以母太夫人所繪大士像見
貽賦謝

青蓮開妙相頂禮見真如著想鴻濛外傳神滿月初
穀聞原斷絕人我本消除即此堪同證何勞竺氏書

題尤孟仁讀書秋樹根圖

不學編蒲去飯牛不須仰屋費冥搜一編只愛樹根坐
為有秋穀在上頭

雨中醉後作

浮沉世事等萍蹤
新暑頭銜花
海翁何事老
開更花落
擬將歲月問天公

小園道中

村園門巷半沾泥
蠟屐來遊日未低
一陣棗花香裂鼻
和風吹過板橋西

夜坐玉笠亭懷李遠川在項城

溥之叢露零皎皎
孤月上四壁
愴無喧風竹
戛清響
我思淡蕩人
別來芳訊曠
素絲空復張
奇書疇與賞
伊雒
夢可通
誰言河水廣

賞雨茆屋圖為吳驥調題

朱樓翠箔春夢破
雨聲到枕憂無那
六有清歌水閣頭
瀟灑入夜迴
含愁何如達士十椽屋
不種繁花種梧竹
就中喧寂兩俱忘
爽氣盈襟把卷讀

中秋前一日對月懷汪西顥萬循初胡友錫魯存弟在盤山以風林纖月落衣露淨琴張平字為韻分得纖字

迢遞三盤路
相思夜
添涼秋
輸蠟屐
此夕共明蟾
澗涉東西寺
雲看朝暮
崦山老如可摘
珎重寄芳纖

冬夜偕吳中林汪西顥陳江皋陸賓之翟大川

唐詩卷之五
十
暨陸生染香集杭大宗無畏室以多聞增智慧
無畏得清涼為韻分得智字

嘉會闢南榮幽恬具真意雖居九陌中靜喧同一致黃
花抱晚香白雁鳴朔吹相對愜所懽討論無不至清言
足滌煩妙諦亦斷智誰謂禪悅空其義寔無二坐久澹
忘歸捲簾月滿地

曉發安平

驅車出廣道喔々荒雞鳴曉月凍未墮照人如雪明六
根無垢滓萬境俱澄清除彼有著想愜我遺世情為誦
寒山句聊當浩歌行

屏跡

屏跡稀塵事無愁度歲華幾行新偈子一屋冷梅花多
病客常謝安禪念不差邇來增嬾癖詩不賦尖叉

春游雜詩

桃巷口

柳色半黃春半露行人正到桃花渡桃巷渡口波湯々
桃花渡外春尚寒春風吹皺桃巷水々禽兩々因風起
莫謂桃花猶未開枝頭抱滿春光來

東安

安次城西闢草堂到來風景儼家鄉頓忘此日征驂苦

猶記年時賽社忙

去年來遊適土人賽藥王神

頭白內官談舊事

草堂與內

監高公比鄰每到必扶杖至

雨昏小閣薦清觴今宵有夢多應好莫向

東風較短長

韓村

相傳為韓壽所居

一分晴色一分春村舍人家楊柳新我說至今餘臭在襲衣莫問竊香人

榆堡

正馬歸來日未斜有懷堂畔見桃花迎人蝶弄首之艸向暖鷗眠淺之沙丙舍長看留美蔭丁年獨感閉雕笄此身自分為農老擬傍園官學種瓜

過南海子西紅門外

螞蟻墳西沙作堆按鷹臺下水潑洄

清時事之同民

樂雉兔芻蕘日往來

垂柳如烟拂水痕籠鞭斜日出紅門兔葵燕麥春風裏何處重尋廿四園

草橋

風來草橋南人過草橋北橋下不逢人飛起雙鷗瀟

謁天壇過舊時寓館

曾住南廊小草堂蕉衫葵扇共追涼六時粥鼓凌虛閣萬樹松風清淨場紫陌舊游堪屈指元都重到只迴腸

簷前獨有老槐在又被群鴉鬧夕陽

觀劇

一曲霓裳酒一卮風光不是去年時古今半晌春宵夢
若箇當筵聖得知

與中林賓之飲大宗無畏室夜歸有懷西顥

江皋

去年踏雪長安陌醉裏狂歌拓金戟今年躍馬逐春來
入門笑語仍喧聒眼前獨少舊遊侶忽忽停杯憶烟渚
花枝冉冉波粼粼歸去應同淡蕩春

百草山房

昨日卷未開今日花已坼倚樹聽鳴禽開軒對芳陌山
房何所有青松俯白石敢誇辟疆園聊擬盧鴻宅隣翁
平生懽扶杖來看客環坐藉莓苔餽羅穀核半酣月
華升清光散沙磧

曉起望盤山

歌枕聽山鳥晨光動屋椽一峰纔吐日萬樹盡開雲寺
阻烟霞窟人懷鸞雀羣何當東竺住長此謝囂聞

圓通寺

寐歷赤華舍雙扉晝不開雲衣高樹頂鳥篆白沙堆舊
識僧無恙今春我再来小苗殊惜別敲火試茶杯

北石渠

近山地僻塵難到
踈落人家半隔溪
客子趁晴春試馬
芻檐向日午啼雞
浮雲出沒隨山見
密樹參差逐澗低
擬更披榛尋蘚壁
數行詩句為留題

遊馬鞍山靖嘉寺即吳雄寺

小山紛起伏峭壁
忽爭雄古刹踞其上
孤雲卧此中磴
危登陟苦境靜色香
空暫乞軒窓坐冷然
欲御風

見挂月峰頂舍利塼光俗傳塔放光即雨是夕余與同人共見夜半果

雨

曾說白毫光
放夜滂沱微驗寂
分明今宵夢入空山頂

果聽飛泉萬壑聲

途次接朱南湖大令見謝盆梅之作依韵答之

桃李湯山敢比倫
水邊林下想精神
莫嫌小盎根株曲
開向東風别有春
晴窓烘日暗聞香
青蔞紅椒引興長
坐看成陰結子後
調羹功更壓羣芳

和江皋見懷原韵

閒愁無那賦新謠
魄磊遙知未易澆
錦字寄來抽繭緒
玉卮閒却負笋嬌
爪痕此際鴻留雪
夢想誰非鹿覆蕉

遊屐至今無定所敢誇得、馬蹄驕

將進東便門作

青山只隔鳳城闈一路相看泥殺人今歲東風莫狡獪
好老不是去年貧

偕中林大宗集賓之吉士寓齋

酒愛金瀾釀人堪玉笋誇相將申夙約未肯逐紛譁捲
幔老光入迎堦月影斜嬉春還有約郭外試輕車

隆福寺

紺宮高涌鬱崔嵬曾是前朝締造來多少金錢隨地布
幾重閭闔向天開鳩工空說陳祥力伏闕爭傳楊浩才

堪咲利名人衮々市聲闕滿講經臺

陶然亭

陶然亭子傍城南雜樹扶疎曲徑諳春淺蘆芽纔圻蘢
日晴水髮已拖藍市聲到此十分靜山色何妨百里探
濟勝自矜餘勇在支筇又上黑龍潭

約吳中林陸用九賓之昆仲小飲

檐雀何處來噪我槐樹陰旭日入我室好風開我襟床
頭有斗酒來自甌河潯可以探妙理可以樂用簪况今
二三子投分皆素心百年駒過隙白髮常苦侵願茲有
美酒何不同酌斟

登真覺寺塔

極樂名藍西復西溪迴路轉得招提塔光迥出衆香界
幡影平臨白玉梯五印度中春不盡千由旬上月還低
鈴聲隱隱雲深處下視塵寰舞甕雞

過萬壽寺題調梅上人方丈

師子林中袒右肩指揮如意結跏禪何來岩壑随心現
便有烟霞在眼前曲水橋通芳草外夕陽樓倚老松顛
雲楣繡榻無窮寺泉石勾留此獨偏

普覺寺贈青崖老人

淨域琉璃到未能而今真對玉壺冰無生此日談千偈

幻住何年悟一乘澗水繞堦鳴滴澗殿松穿月散層
智珠便擬從師乞可許同親梵夾燈

同雨蒼勗宗兩上人遊碧雲寺

前于後魏勢熏天雞足思依石柳堅咲爾么膺成底事
一坏今屬野狸眠

登永安寺來青閣遂至海棠院

憇此來青閣憑高俯衆山衝烟歸鳥急罷磬定僧閒晚
翠漸侵几清流似轉環一條藤蔓路重為海棠攀

乘月歸普覺寺

聯騎歸蘭若空山月上時斷崖松影合僻巷犬聲隨出

苔逢樵子歧途仗導師回看林木杪金碧隱參差

田題勗宗上人玉泉山房

初地雲邊構精廬岩腹歲半庭春水活一屋古松香禪
已離文字交須耐雪霜支公容入社分我小匡床

普覺寺娑羅樹歌

娑羅兩樹屹相向伊昔嘉名說交讓何年移植古道場
鐵幹蕭森切雲上凌晨樹杪旭日升飛來翠羽無凡禽
踈枝似拂釋迦影黛色猶含竺國陰悵我來遊春尚早
不見繁葩垂殿椽蔚映空餘七葉青婆婆擬傷雙林老
苗帥園中蹟有無慈恩寺外半凋枯白榆終恐栽天上

好倩丹青著意圖

秘魔崖

秘魔崖嶄絕一徑入雲程嵌石松殊態倚岩池獨清晚
雲隨鹿起春磬答猿鳴為問雙龍子於今何處行

皇姑寺

阿潘舊事摠模糊顯應由來半有無太息奪門人已去
居民猶是說皇姑

福生寺贈文覺禪師

問訊盧溝路寺在盧溝橋西五里幽棲掩薜蘿物情閒處減禪趣
靜中多雨砌抽新笋風廊茁短莎一龕清似水誰識舊

維摩

十載離後座重叅見典型世纓誰擺脫慧炬獨光明
飽伊蒲供茶翻碧澗穀坐聞林鳥哢卷雨一天晴

湯與

惻之餘寒漠漠烟日長風細自年々人來上國看花地
雨近清明潑火天一握柳絲縈黯淡數穀燕語劇纏綿
邇來旅恨無些子叅得如來歡喜禪

河西務旅次與崦仲荆帆染香述山遊之勝

分賦

清遊歷々未全迷疊嶂嶽嶠澗水低最好香山々下路

樹梢明月石雞啼

歸途見桃峯作

山中楊柳半抽芽歸路天桃已著花欲把春光相比較
出山原與住山差

附題春遊雜詩後

萬光泰 循初

西山二月燒痕青便寫新詩上石屏一卷携歸無詐
語山前有客昔曾經

蒼崖謁佛尋松寺紫陌聽歌上酒樓都被錦囊收拾
得清詞壓倒薛春遊

陳 皋 江皋

今春游騎踏京華不惹紅埃只蘸霞是自吟成愛呈
佛新詩多半屬袈裟

查 開宣門

河冰二月已流澌選勝曾聞杜牧之句裏青山仍好
在鶯老應咲我來遲

查 義如岡

春風吹綠上遙岑舊雨新卷走馬尋十幅烏絲詩卅
首流傳應已遍雞林

厲太鴻徵士以庚申四月二十一日移居詩四
首見寄依韵和答

南北相思卅載餘無緣載酒訪茨居素襟舊說耽花隱
健筆還傳駕石渠題扇隔年勞遠驛牽蘿此日補新廬
城東池水清於染乘興應隨漁父漁

放懷只在兩山顛管領西湖作散仙衝凍常尋孤嶼寺
討春時上暗門船每逢佳處笛高唱寂愛清遊破夜眠
酒券莫愁當戶索朝來爭餽撰碑錢

桑圃蔬畦一徑斜儼居曾向昔年誇隣僧分餉塔前笋
野老同評擔上花去日暗驚如轉燭此生終擬再移家
倘容兩板連牆住來伴敲書謝市譁

底須麟閣悵無聞半畝堪酬翰墨勲莎淨苔明殊不惡

蘇坡志定稿
裴頭黃尾又何云散老灘上人千載快雪堂前鷺一羣
省識前賢踪未杳風流異代可平分

題張天飛侍讀西山紀游圖

今春勝概喜躋攀尚憶香山卧佛間泉石未成三宿戀
鐘魚每愛六時閒披圖正好游前度學道何曾与小還
擬辦秋深重蠟屐滿林柿葉看斑斑

懷會稽雪峰上人


千水千山作蜀遊未曾暖席便回頭錦城從此無佳句
應悔當筵少貫休

答勗宗上人寄懷原韵

記踏西山路春風長徑苔尋詩穿窅窳杖策上崔嵬忽
枉碧雲句如逢青嶂開遠公容入社重擬打包來

魚塘未定稿

五



卷之四